

***Eskoriatzako talde eta elkarteei 2015. urtean garatuko dituzten kultur jarduera eta ekintzetarako diru-laguntzak emateko oinarriak.***

**1. Helburua.**

Oinarri hauen helburua da Eskoriatzako irabazi-asmorik gabeko talde eta elkarteei 2014an garatuko dituzten kultur jarduera eta ekintzetarako diru-laguntzak emateko baldintzak arautzea. Jarduera horiek Udaleko Kultura batzordeak dituen helburuekin bat etorriko dira; hau da, udalerrian kalitatezko kultura jarduerak eskaintzea eta Eskoriatzako herritarren eta gainerako kultura elkarten arteko lankidetzaz bultzatzea.

Diruz lagundutako jarduerekin lotura eduki eta oinarri hauetan zehazten den epean egiten diren gastuek eskuratu ahalko dituzte laguntzak, betiere, herritar guztiei zuzenduta badaude eta Eskoriatzan bertan burutzen badira; esaterako, kultur jarduerak sortzera, ekoiztera, sustatzera zein zabaltzera bideratutako jarduera edo programak, argitalpenak, edo kultur erakundeek hainbat diziplinatan -dantza, antzerkia, folklorea, arte plastikoak, ikus-entzunezkoak...-aurkeztutako ekintzak. Diruz lagundutako jarduerak Eskoriatzan bertan burutu beharko dira.

Diru-laguntza banaketa honetatik kanpo geratuko dira alde batetik elkarte edo talde eskatzaileek zuzenean antolatzen ez dituzten jarduerak edo egitasmoak, eta bestetik bazkideendako soilik antolatzen direnak.

**2. Eskaerak.**

Eskaera egiteko, oinarri hauen eranskinean jasotako eskaera orria behar bezala beteta eta diru-laguntza eskatzeko ahalmena duenak sinatuta aurkeztu beharko da, ondorengo dokumentazioarekin batera:

a) Elkartea Elkarten Erregistroan irabazi-asmorik gabeko erakunde gisa inskribatuta dagoela ziurtatzen duen agiria eta elkartearen estatutuak.

Taldea inskribatu gabe badago, taldearen curriculuma aurkeztuko da: helburuak, giza baliabideak eta baliabide materialak, egoitza eta orain arte egindako jarduerak. Halaber, taldearen arduradunaren edo lehendakariaren NANaren fotokopia aurkeztuko da.

b) 2015erako aurkeztu den jarduera programa eta horren gastu eta sarrerak jasotzen dituen aurrekontua. Sarrerak atalean zenbateko diru-laguntza eskatzen den zehaztu beharko da.



**Garrantzitsua:** programa zabal baten barruan jarduera zehatz baterako edo hainbatetarako diru laguntza eskatuz gero, argi eta garbi adierazi beharko da hori eskabidean.

c) Gizarte Segurantzarekiko, Foru Ogasunarekiko eta Eskoriatzako Udalarekiko ordainketetan egunean egotearen zinpeko aitortpena.

d) Beste erakunde eta organismo batzuei egindako diru-laguntza eskaeren zein jadanik jasotako diru-laguntzen gaineko zinpeko aitortpena.

Eskaera aurkezteak esan nahi du eskatzaileak oinarri hauetan ezarritako baldintzak bere horretan onartzen dituela.

Ez da beste dokumentazio motarik onartuko.

### ***3.Eskaerak aurkezteko epea.***

Eskaerak astelehenetik ostiralera, 09:00etatik 14:30era, aurkeztu ahal izango dira, irailaren 30a baino lehen.

### ***4.Eskaerak ebaluatzeko irizpideak.***

Arlo bakoitza puntuazio honen arabera baloratuko da:

1. Proposatutako programaren ezaugarriak. Gehienez 30 puntu, alderdi hauen arabera:

- Aurkeztutako programak kultura arloari zein ekarpen egiten dion. 10 puntu.
- Proposatutako antzeko jarduerarik ez egotea. 20 puntu.

2. Aurkeztutako aurrekontua. Gehienez 20 puntu, alderdi hauen arabera:

- Jarduera bideratzeak elkarteari eskatzen dion ahalegina, giza baliabide eta diru-iturrien aldetik. Hau da, elkartearen finantza-baliabideak eta eskatutakoaren eta bere baliabideen arteko proportzioa.
- Jarduerak sortutako diru-sarrerak.

3. Erakunde eskatzailearen ezaugarriak. Gehienez 20 puntu.

Elkarteak udalerriko jarduera nagusietan parte-hartzea (jaiak, kultur ekitaldiak, erakundeen ekitaldiak).



4. Euskararen normalizazioan elkarteak egiten duen ekarpena. Gehienez 30 puntu.

**5. Diru laguntza emateko prozedura.**

Diru laguntza nori eman lehiaketa bidez erabakiko da. Diru-laguntzak oroharreko prezioan emango dira, betiere diruz lagundutako jardueraren azken kostea eskarian aurkeztutako aurrekontuaren % 20 baino gehiago ez bada.

**6. Organo eskudunak eta erabakia.**

Eskaerak aurkezteko epea bukatu ondoren, eskaerak Udaleko Kultura batzorde informatzaileak aztertuko ditu, eta agiriren bat falta bada, 10 eguneko epea egongo da hura aurkezteko.

Epe hori bukatu eta falta diren agiriak aurkeztu ez badira, diru-laguntza eskaeran atzera egin duela ulertuko da.

Instruktorea Kultura batzordeburua izango da. Horrek kultura teknikariaren txostena aztertu eta batzordearen iritzia entzun ondoren, behin betiko ebazpen proposamena egingo dio alkateari, dagokion erabakia har dezan.

Erabakia eskaerak aurkezteko epea bukatu eta gehienez bi hilabeteko epean eman beharko da.

Bi hilabeteko epe hori igaro ondoren, Udalak eskaeraren baten gaineko erabakirik hartu ez badu, eskaera ez dela onartu ulertuko da.

Udalak, batzorde informatzailearen bitartez, beharrezko deritzon informazio osagarri guztia eskatu ahal izango du erabaki-proposamena formulatu aurretik.

**7. Onuradunen betebeharrak.**

Onuradunaren betebeharrak dira:

- a) Diru-laguntzaren xede diren jarduerak egitea eta helburuak betetzea.
- b) Diru-laguntzaren emakida edo erabilpenerako baldintzak, jarduerak eta helburuak bete direla Eskoriatzako Udalaren aurrean justifikatzea.
- c) Udalak egin beharreko ikuskapenak onartzea.
- d) Eskoriatzako Udalari berak lagundutako jarduera berberengatik jaso den beste diru-laguntzen berri ematea.  
Horren berri jakin bezain laster egin beharko da komunikazio hori eta, edozein kasutan, Udaletik jasotako fondoan erabilera justifikatu aurretik.



e) Diruz lagundutako jardueraren informazio, publizitate eta propaganda guztietan Eskoriatzako Udalaren lankidetzaren agerraziko da.

f) Euskararen erabilerako irizpide hauek betetzea:

- f.1) Ekintza subentzionatuetan argitaratzen diren **idatzizko testuak** euskaraz, edo euskaraz eta gaztelaniaz egon beharko dira. Bi hizkuntza ofizialak erabiliz gero, euskarari emango zaio beti lehentasuna, testuaren kokapenaren bidez (euskarazkoa gainean eta gazteleraazkoa azpian) nahiz letra tamainaren bidez (euskarazko testua handiago).
- f.2) **Ahozko adierazpenak** euskara hutsean egingo dira ahal den guztietan. Bi hizkuntza ofizialak erabili behar izanez gero, euskarari lehentasuna emateko, euskarazko mezua emango da lehendabizi, eta gero gazteleraazkoa.
- f.3) **16 urtetik beherakoei zuzendutako ekintza eta testu guztiak** (hitzaldiak, idatziak,...) euskaraz izan behar dira salbuespenak salbuespen.
- f.4) Nolanahi ere, Udala Euskara zerbitzuaren laguntza eskatu ahal izango da argitaratu beharreko edozein testu itzuli edo zuzentzeko.

### ***8. Diru-laguntza ordaintzeko modua***

Onartutako diru-laguntzaren ordainketa bi zatitan egin ahal izango da.

Alkateak diru-laguntza onartzen duenetik kontatzen hasita, hilabeteko epean diru-laguntzaren %60 ordainduko da.

Diru-laguntza osorik edo diru laguntzaren beste zatia (%40) jasotzeko ondorengo agiriak aurkeztu beharko dira, 2015ko abenduaren 14ko 14:30ak baino lehen, Eskoriatzako Udaleko sarrera erregistro orokorrean:

1. Diruz lagundutako ekintzen memoria.
2. Jarduera guztien zerrenda, eta bakoitza zein hizkuntzatan burutu den.
3. Programatutako jardueren dokumentazio grafikoa (kartelak, esku-programak, liburuxkak, banatutako idatzizko materiala, prentsa oharra eta abar).
4. Izandako gastuen faktura originalak edo kopia konpultsatuak, eta diruz lagundutakoaren gastu guztiak hartzen dituen ordainketa-agiriak edo legeko balioa duen beste edozein agiri.
5. Emaizta ekonomikoen memoria eta balantze errealak.

Elkarteak, aintzat hartzeko moduko arrazoirik aurkezten ez badu, edo ez baditu programatutako jarduerak edo oinarri hauetan zehaztutako betebeharrak betetzen, zati batean bada ere, Udala jasotzeko geratzen zaion diru-laguntza edo horren zati bat ez ordaintzea erabaki ahal izango du, eta baita jadanik kobratuta duen dirua (guztia edo zati bat) itzularaztea ere.



Erabaki hau hartu aurretik interesatuari entzungo zaio.

**9. Diru-laguntzen konkurrentzia.**

Udalak emandako diru-laguntza bateragarria da helburu berarengatik jasotako beste edozein diru-laguntzarekin.

Hala ere, diru-laguntza ezin izango da izan, beste diru-laguntza batzuekin batera zein ez, lagundutako jardueraren kostua baino handiagoa.

**10. Diru-laguntza aldatzea.**

Diru-laguntza emateko kontuan hartu diren baldintzak aldatzen badira, eta, beti ere, laguntza honekin batera beste entitate publiko edo pribatu batzuetatik jasotako diru-laguntzak aldatzen badira, emakidaren erabakia aldatzea gerta daiteke.

**11. Diru-laguntza ezeztatzea.**

Diru-laguntza beharrezko baldintzak bete gabe jaso izanak diru-laguntza berrikustea ekarriko du eta, dagokionean, diru-laguntza ezeztatzea.

**12. Interpretazioa.**

Oinarri hauen interpretazio eta garapenean sor daitezkeen zalantzak Kultura batzordeburuak erabakiko ditu.

**13. Aurrekontua eta partida**

Deialdi honen helburuak betetzeko 1.000 euroko diru kopurua emango da 1.0401.481.334.00.01 partidaren kontura.